



REPUBLIKA E KOSOVËS
REPUBLIKA KOSOVA/REPUBLIC OF KOSOVO
Kuvendi i Komunës së Kaçanikut
Skupština Opštine Kačanik/Municipal Assembly of Kačanik



01 Nr. 60/01-36408/19

Kaçanik, 31.01.2020

RREGULLORE NR. 01/2020

**PËR NDRYSHIMIN DHE PLOTËSIMIN E RREGULLORES 01/2018
(01.NR 02-104/01-11899) PËR BASHKËPUNIMIN E KOMUNËS ME
VENBANIMET, FSHATRAT DHE LAGJET URBANE TË KOMUNËS
SË KAÇANIKUT**

Janar 2020

Faqe 1 nga 4

RREGULLORE PËR PLOTËSIM NDRYSHIMIN E RREGULLORES 01/2018 (01.NR 02-104/01-11899) PËR
BASHKËPUNIMIN E KOMUNËS ME VENBANIMET, FSHATRAT DHE LAGJET URBANE TË KOMUNËS SË
KAÇANIKUT

Në mbështetje të nenit 11 lidhur me nenin 12.2 (c) dhe nenit 17 (s) të Ligjit Nr. 03/L-040 për Vetëqeverisjen Lokale ("Gazeta Zyrtare e Republikës së Kosovës" Nr. 28/4 Qershor 2008), të Udhëzimit Administrativ (MAPL) Nr. 02/2019 për Organizimin, Funksionimin dhe Bashkëpunimin e Komunave me Fshatrat, Vendbanimet dhe Lagjet Urbane, nenit 34.5 të Statutit të Komunës së Kaçanikut, Kuvendi i Komunës së Kaçanikut në mbledhjen e mbajtur më 31 Janar 2020, miratoi këtë:

RREGULLORE Nr. 01/2020

PËR NDRYSHIMIN DHE PLOTËSIMIN E RREGULLORES 01/2018 (01.NR 02-104/01-11899) PËR BASHKËPUNIMIN E KOMUNËS ME VENBANIMET, FSHATRAT DHE LAGJET URBANE TË KOMUNËS SË KAÇANIKUT

Neni 1

Me këtë Rregullore, ndryshohet dhe plotësohet Rregullorja 01/2018 (01. Nr. 02-104/01-11899) për Bashkëpunimin e Komunës me Vendbanimet, Fshatrat, dhe Lagjet Urbane të Komunës së Kaçanikut e datës 27.04.2018.

Neni 2

Ndryshohet neni 3, paragrafi 2, me tekstin në vijim: "Komuna e Kaçanikut themelon 20 Zona të përbëra prej këshillave lokale të fshatrave, vendbanimeve formale dhe jo formale dhe lagjeve urbane dhe do të paraqiten në listë të veçantë, Shtojca Nr. 1. që do të jetë pjesë përbërëse e kësaj rregulloreje".

Neni 3

Ndryshohet neni 4, paragrafi 1, me tekstin në vijim: "Kuvendi i Komunës emëron një komision për të udhëhequr dhe koordinuar procesin në teren në zgjedhjen e këshillave lokale. Komisioni duhet të ketë shtatë (7) anëtarë: katër (4) anëtarë nga Kuvendi i Komunës, një (1) anëtar nga ekzekutivi, (1) një nga shoqëria civile dhe një (1) nga përfaqësuesit e fshatit, vendbanimit apo lagjes urbane. Komisioni do të reflektoj përfaqësim gjinor dhe etnik. Përbërja e komisionit duhet të përfaqësojë përbërjen e subjekteve politike me numër më të madh të anëtarëve të përfaqësuar në Kuvendin e Komunës. Kryesuesi i komisionit zgjidhet nga anëtarët e komisionit".

Neni 4

Ndryshohet përmbajtja e paragrafit 6, të nenit 4 me tekstin në vijim: "Mandati i komisionit është i lidhur me mandatin e Kuvendit të Komunës".

Neni 5

Faqe 2 nga 4

Shtohet paragraf i ri në nenin 4, me tekst në vijim “Komisioni raporton para Kuvendit të Komunës për procesin zgjedhor”.

Neni 6

Në nenin 5, paragrafi 1, ndryshohet numri i anëtarëve si në vijim: “Këshillat lokale do të kenë pesë (5) deri nëntë (9) anëtarë”.

Neni 7

Shtohet fjalia te neni 5, paragrafi 2, me tekstin në vijim: “Këshilli duhet të përfshijë përfaqësimin e çdo fshati, vendbanimi apo lagje urbane”.

Neni 8

Ndryshohet neni 6, paragrafi 5, me tekstin në vijim: “Në rast të humbjes së mandatit të kryetarit të këshillit, komisioni komunal brenda tridhjetë (30) ditësh duhet të organizoj zgjedhjet për zgjedhjen e kryetarit të ri”.

Neni 9

Shtohet paragraf i ri në nenin 6, me tekst në vijim: “Zëvendësimi i anëtarëve të këshillave lokale në rastin e humbjes së mandatit bëhet nga lista e pritjes me aprovimin e komisionit të kuvendit brenda pesëmbëdhjetë (15) ditësh”.

Neni 10

Hiqet në tërësi përmbajtja e nenit 13, dhe shtohen paragrafët me tekst në vijim:

1. “Për punën e tyre kryetarët e këshillave lokale kompensohen nga buxheti i Komunës së Kaçanikut.
2. Kompensimi për kryetarët e këshillave lokale, bëhet në shumën ekuivalente të anëtarëve të komiteteve obligative për takim.
3. Kompensimi për pjesëmarrjen në takime bëhet vetëm për gjashtë (6) takime të këshillit lokal të mbajtura brenda vitit kalendarik.
4. Kompensimi bëhet në ndarje të barabartë për kryetarët e këshillave lokale të cilët vijnë nga Zona e cila përbëhet nga dy e më shumë vendbanime, fshatra apo lagje urbane- një mëditje për një Zonë.

Neni 11

Pas miratimi nga Kuvendi i Komunës, kjo rregullore hyn në fuqi 15 (pesëmbëdhjetë) ditë pas regjistrimit në zyrën e protokollit të Ministrisë së Administrimit të Pushtetit Lokal si dhe 7 dhe pas publikimit në gjuhë zyrtare në ueb-faqen e Komunës dhe në Gazetën Zyrtare të Republikës së Kosovës.

Shtojca 1.

Lista e 20 Zonave të përbërë nga Këshillat e qendrës urbane, fshatrave dhe vendbanimeve në territorin e Komunës së Kaçanikut:

Nr.	Zonat	Këshillat e qendrës urbane, fshatrave dhe vendbanimeve
1.	Zona 1	Këshilli i qendrës urbane, zona I dhe;
2.	Zona 2	Këshilli i qendrës urbane, zona II;
3.	Zona 3	Fshati Bob;
4.	Zona 4	Fshati Dërnagllavë, Korbliq dhe Llanishtë;
5.	Zona 5	Fshati Runjevë dhe Stagovë;
6.	Zona 6	Fshati Kaçanik i Vjetër;
7.	Zona 7	Fshati Begracë;
8.	Zona 8	Fshati Doganaj dhe Koxhaj;
9.	Zona 9	Fshati Dubravë, Rekë dhe Vatë;
10.	Zona 10	Fshati Duraj dhe Gërlicë e Epërme;
11.	Zona 11	Fshati Elezaj dhe Gabrricë;
12.	Zona 12	Fshati Bajnicë dhe Semajë;
13.	Zona 13	Fshati Sllatinë dhe Soponicë;
14.	Zona 14	Fshati Kovaçec;
15.	Zona 15	Fshati Biçec;
16.	Zona 16	Fshati Nikaj;
17.	Zona 17	Fshati Gajre dhe Ivajë;
18.	Zona 18	Fshati Strazhë;
19.	Zona 19	Fshati Kotlinë dhe Gjurgjedell;
20.	Zona 20	Fshati Glloboqicë;
		Vërejtje: Vija ndarëse ndërmjet zonave urbane është përroi i Rakocit.

Kryesuesi i Kuvendit

Kemal Mërseli

